



Bentiaraq Ottosen

UKA 2024/43

Atassut

15. oktober 2024

**Matumuuna Inatsisartut suleraasaat §52 naapertorlugu Atassut Ineqarnermut Attaveqaasersuutinullu Naalakkersuisumut tatiginnikkunnaarneq pissutigalugu oqaluuserisassamut tullermut ingerlaqqinnissamik siunnersuut saqqummiuppaat**

**Tunngavilersuut**

Inuit tamat oqartussaaqataanerata malitsigisaanik pissaaneq pingasoqiusanngorluni agguagaavoq, Inatsisartullu isummersorsinnaatitaanerata inuit tamat oqartussaaqataanerata aqqani illersugaalluni.

Ineqarnermut Attaveqaasersuutinullu Naalakkersuisoq eqqunngitsumik inuiaqatigiinnut paasissutissiinera uani pineqarpoq. Aningaasat taakkartorneqartut inuiaqatigiinnut erseqqissarneqanngillat, tamatuminnngalu TV-i atorlugu inuiaqatigiinnut saqqummiussinerit sunniiniarpalaartumik imaqarnerat, qineqqusaarnertullu taaneqarsinnaasumik sullissineq Inatsisartut Suleriaasiat malillugu innarliisinnaanera najoqqutarineqarmat.

Kinguaattoorutit 3.8 mia. koruunit missaaniippat, ukiuni 15-it aningaasalersuutissatut pisariaqartinneqartut 5. mia koruunit missaaniillutik, ukiunilu 20-ini pisariaqartinneqartut 6.2 – 6.3 mia. koruuninut qaffassallutik. Tamanna Naalakkersuisuniit oqaatigineqanngilaq.

Kommune-nut annertuumik aningaasatigut artukkiisinnaasoq ernumanartorujussuusoq nalilerparput.

Tunngavilersuutit pillugit Atassummiit Ineqarnermut Attaveqaasersuutinullu Naalakkersuisumut tatiginnikkunnaarluta nalunaarutigaarput, taasinissarput qinnutigaarput.